

春秋公羊經傳解詁

六





春秋公羊經傳解詁成公第八

何休學

元年春王正月公即位二月辛酉葬我君

宣公無冰周二月夏十二月尚書曰舒恒燠若易京房傳曰當寒而温倒賞也是時成公幼少季孫行父

專權而委任之所致三月作丘甲何以書譏何譏爾譏

始丘使也四井為邑四邑為丘甲鎧也譏始使丘民作鎧也古者有四民一曰德能居位曰士二曰辟土

殖穀曰農三曰巧心勞手以成器物曰工四曰通財夏臧孫

許及晉侯盟于赤棘時者謀結棄之戰不相負也後為晉所執不日者執在三

年外尋舊盟後非此盟所能保秋王師敗績于貿戎孰敗之

蓋晉敗之以晉比侵柳圍郊知王師討晉而敗之或曰貿戎敗之

大傳九十一節公羊八公羊八

以地質戎故然則曷為不言晉敗之據侵柳圍王者

無敵莫敢當也正其義使若王自敗于貿戎莫敢當敵敗之也不日月者深正之使若不

戰冬十月

二年春齊侯伐我北鄙夏四月丙戌衛孫

良夫帥師及齊師戰于新築衛師敗績

六月癸酉季孫行父臧孫許叔孫僑如公

孫嬰齊帥師會晉卻克衛孫良夫曹公

子手及齊侯戰于鞌齊師敗績曹無大

夫公子手何以書據羈憂內也春秋託王于魯因假以見王法

明諸侯有能從王者征伐不義克勝有功當褒之故與大夫大夫敵君不貶者隨從王者大夫得敵諸侯也不

夫大夫敵君不貶者隨從王者大夫得敵諸侯也不



言敗之者君子不掩人之功故從外言戰也魯舉四大夫不舉重者惡內多虛國家悉出用兵重錄內也

齊侯使國佐如師己酉及國佐盟于表婁

君不使乎大夫此其行使乎大夫何據高子來盟魯

無君不稱使不從王者大夫稱使者實佚獲也佚獲者已獲而逃亡

也當絕賤使與大夫敵體以起之君獲不其佚獲奈何

師還齊侯繞晉卻克投戟逡巡再拜稽首

馬前逢丑父者頃公之車右也人君驂乘有車右有御者

面目與頃公相似衣服與頃公相似禮皮弁以征故

言衣服相似頃公有負晉魯之心故特選丑父備急欲以自代代頃公當左升車象陽

故人君居左臣居右使頃公取飲頃公操飲而至不知頃公將欲堅敵

大三百三十三字公羊八

意邪勢未得去邪曰革取清者革更也軍中人多水泉濁頃

公用是佚而不反不書獲者欲使遠取清者因亡去逢丑父曰吾賴社

稷之神靈吾君已免矣卻克曰欺三軍者

其法奈何顧問執法者曰法斲斲於是斲逢丑父

丑父死君不賢之者經有使乎大夫於王法頃公當絕如賢丑父是賞人之臣絕其君也若以丑父故不絕頃公是開諸侯戰

不能死難也如以衰世無絕頃公者自齊所當善爾非王法所當貴己酉及齊國佐盟

于表婁曷為不盟于師而盟于表婁據國佐如

師前此者晉卻克與臧孫許同時而聘于

齊不書恥之蕭同姪子蕭同國名姪子者蕭

同君姪婦之子踊于楮而窺客踊上也凡無高下有絕加躡板曰楮齊人語

嫁於齊生頃公

則客或跛或眇於是使跛者逐跛者使眇

者逐眇者逐迎御主迎者也聘禮賓至大夫率至二大

夫出相與踦閭而語閭當道門閉一扇開一扇一人

為齊所侮戲謀伐之而不欲使人聽之移日然後相去齊人皆曰

患之起必自此始知必為國家憂明芻蕘之言二大

夫歸相與率師為鞏之戰齊師大敗齊

侯使國佐如師怪師勝猶不解往問之卻克曰與我紀

侯之虧齊襄公滅紀所得虜邑其土肥饒欲得之或說虜反魯晉衛之侵

地使耕者東畝使耕者東西如晉地且以蕭肅同姪子為

質見侮戲本由蕭肅同姪子則吾舍子矣國佐曰與我紀

大三百五十三百五十三 公羊八 三 素白朱

侯之虧請諾反魯衛之侵地請諾使耕

者東畝是則土齊也則晉悉以齊為土地是不可行蕭肅同姪

子者齊君之母也齊君之母猶晉君之

母也不可言至尊不請戰如欲使耕者東西畝質齊君之母當請戰壹戰

不勝請再再戰不勝請三言齊雖敗尚可三戰三戰不

勝則齊國盡子之有也何必以蕭肅同姪子

為質揖而去之卻克眚魯衛之使使以

其辭而為之請卻克眚傷其威故使魯衛大夫以國佐辭為國佐請然後

許之逮于表婁而與之盟逮及也追及國佐于表婁也傳極道此者

本禍所由生因錄國佐受命不受辭義可拒則拒可許則許一言使四國大夫汲汲追與之盟八月壬

午宋公鮑卒庚寅衛侯遯卒取汶陽田汶

陽田者何鞏之賂也以國佐言反魯衛之侵地請諾本所侵地非一摠繫汶陽者省

文也不言取之齊者恥內乘勝脅齊求賂得邑故諱使若非齊邑冬楚師鄭師侵衛

十有一月公會楚公子嬰齊于蜀丙申公

及楚人秦人宋人陳人衛人鄭人齊人曹

人邾婁人薛人鄆人盟于蜀此楚公子嬰

齊也其稱人何據會而盟一處知一人也得壹貶焉爾得壹

貶者獨此一事得具見其惡故貶之爾不然則當沒公也如齊高侯矣不沒公者明不主為公故也上會不序諸侯大夫者嬰

齊楚專政驕蹇臣也數道其君率諸侯侵中國故獨先舉於上乃貶之明本在嬰齊當先誅其本乃及其末

三年春王正月公會晉侯宋公衛侯曹伯

伐鄭辛亥葬衛繆公二月公至自伐鄭甲

子新宮災三日哭新宮者何宣公之宮也

以無新宮知宣公之宮廟宣宮則曷為謂之新宮不忍言也

親之精神所依而災孝子隱痛不忍正言也謂之新宮者因新入宮易其西北角示昭穆相繼代有所改更也其言

三日哭何據相僖宮災廟災三日哭禮也善得禮痛傷鬼

神無所依歸故君臣素縞哭之新宮災何以書記災也此象宣公篡立當誅絕不

宜列昭穆成公幼少臣威大重結怨疆齊將不得久承宗廟之應乙亥葬宋文公夏公

如晉鄭公子去疾率師伐許公至自晉秋

叔孫僑如率師圍棘棘者何汶陽之不服

邑也棘人初未服於魯其言圍之何據國內兵不舉不聽也不聽

六三九三小三十一公羊八 癸子重刊 一四 吳仲

者叛也不言叛者為內諱故書圍以起之不先以文德來之而便以兵圍之當與圍於邑同罪故言圍也得曰取不得曰圍

大雩成公幼少大臣秉政變亂政教先是甲為鞏之戰伐鄭圍棘不恤民之所生晉郤克

衛孫良夫伐將咎如冬十有一月晉侯使

荀庚來聘衛侯使孫良夫來聘丙午及

荀庚盟丁未及孫良夫盟此聘也其言

盟何據不舉重嫌生事故此以輕問重也聘而言盟者尋舊盟

也尋猶尋繹也以不舉重連聘而言之知尋繹舊故約誓也書者惡之詩曰君子屢盟亂是用兵二國既脩禮相聘不能相親信反復相疑故舉聘以非之鄭伐許謂之鄭皆惡鄭襄公與林之同心數侵伐諸夏自此之後中國盟會無已兵革數起夷狄比周為黨故夷狄之

四年春宋公使華元來聘三月壬申鄭伯

堅卒杞伯來朝夏四月甲寅臧孫許卒公

如晉葬鄭襄公秋公至自晉冬城運鄭伯

伐許去踰年君稱伯者時梁成君位親自伐許故如其意以著其惡

五年春王正月杞叔姬來歸始歸不書與仲孫

蔑如宋夏叔孫僑如會晉荀秀于穀梁

山崩梁山者何河上之山也梁山崩何以

書記異也何異爾大也何大爾梁山崩壅

河三日不涸故不日以起之不書壅河者舉崩大為重外異不書此何

以書為天下記異也山者陽精德澤所由生君之象河者四瀆所以通道中國

與王道同記山崩壅河者此象諸侯失勢王道絕大夫擅恣

為海內害自是之後六十年之中弒君十四云國三十二故

五百九十二 小三百魚七 五

漢梁之盟編刺 秋大水 先是既有丘甲鞏棘之役 冬十

有一月己酉天王崩 定王十有二月己丑公會

晉侯齊侯宋公衛侯鄭伯曹伯邾婁子

杞伯同盟于蟲牢 約備疆楚

六年春王正月公至自會 月者前魯大夫獲齊侯今親相見故危之

二月辛巳立武宮武宮者何武公之宮也 禮春

立者何立者不宜立也立武宮非禮也 禮天

前 子諸侯立五廟受命始封之君立一廟至於子孫過高祖不得復立廟周家祖有功尊有德立后 撥文武廟至於子孫自

高祖已下而七廟天子卿大夫二廟元士二廟諸侯之卿大夫比元士二廟諸侯之士一廟立武宮者蓋時衰多廢人事

而好求福於鬼神故重而書之 取鄭鄭者何邾婁之

大百九十三百 公三十八

邑也曷為不繫于邾婁諱亟也 諱魯背信亟也屬相

與為蟲空之盟旋取其邑故使若非蟲牢人矣 衛孫良夫率師侵宋夏

六月邾婁子來朝公孫嬰齊如晉壬申鄭

伯費卒 不書葬者為中國諱蟲牢之盟約備疆楚楚伐鄭喪不能救晉又侵之故云燕并使若無伐喪

秋仲孫蔑叔孫僑如率師侵宋楚公子嬰

齊率師伐鄭冬季孫行父如晉日晉欒書

率師侵鄭

七年春王正月麇鼠食郊牛角改卜牛麇

鼠又食其角乃免牛 麇鼠者鼠中之微者角生上指逆之象易京房傳曰祭天

不愼麇鼠食郊牛角書又食者重錄魯不覺寤重有災也不重言牛獨重言鼠者言角牛可知食牛者未必故鼠故重言



鼠 吳伐邾 吳國見者罕與中國交至升 夏五月曹

伯來朝不郊猶三望秋楚公子嬰齊率師

伐鄭公會晉侯齊侯宋公衛侯曹伯莒子

邾婁子杞伯救鄭八月戊辰同盟于馬陵

公至自會吳入州來冬大雪 先是公會諸侯救鄭承前不恤民之

所 致衛孫林父出奔晉

八年春晉侯使韓穿來言汶陽之田歸之

于齊來言者何內辭也脅我使我歸之也

以此經加之知見使即聞 曷為使我歸之 據本 鞏之

戰齊師大敗齊侯歸弔死視疾七年不飲

小二百 大六百 公羊八 七 王全

酒不食肉晉侯聞之曰嘻奈何使人之君

七年不飲酒不食肉請皆反其所取侵地

晉侯聞齊侯悔過自責高其義畏其德使諸侯還鞏之所喪邑魯且使卑有取故諱不言使者因兩為其義諸侯不得相

奪土地晉適可來議語之魯宜聞義自 晉欒書帥師

侵蔡公孫嬰齊如莒宋公使華元來聘夏

宋公使公孫壽來納幣不書此何以

書 據紀履緌來逆 錄伯姬也 伯姬守節逮火而死賢故 晉

殺其大夫趙同趙括秋七月天子使召伯來

錫公命其稱天子何 據天王使毛伯來錫 元年春

王正月正也 正者文 其餘皆通矣 其餘謂不繫于

或言天王或言天子皆相通矣以見刺譏是非也王者號也德合元者稱皇孔子曰皇象元道遙術無文字德明謚德合天者稱帝河洛受瑞可放仁義合者稱王符瑞應天下歸往天子者爵稱也聖人受命皆天所生故謂之天子此錫命稱天子者為王者長愛幼少之義欲進勉幼君當勞來與賢師良傅如心教子不當賜也月者例也為魯喜錄之冬十月癸卯

杞叔姬卒棄而日卒者為下脅杞歸其喪張本文使若尚為杞夫人晉侯使士

燮來聘叔孫僑如會晉士燮齊人邾婁

人伐邾衛人來媵媵不書此何以書媵逆女不書媵

也言來媵者禮君不錄伯姬也伯姬以賢聞諸侯諸侯爭欲求媵諸侯自媵夫人媵之故善而詳錄之媵例時

九年春王正月杞伯來逆叔姬之喪以歸

杞伯曷為來逆叔姬之喪以歸摺已棄也內辭

也脅而歸之也言已歸者與忿怒執人同辭而不得專其本意知其為脅也已棄而脅歸其喪

四百七十六 公羊十八

恃義取深惡重故使公會晉侯齊侯宋公衛侯

鄭伯曹伯莒子杞伯同盟于蒲不日者已得鄭盟當以備楚而

不以罪執之旋使離叛楚緣隙潰葑不能救禍由中國無信故諱為信辭使若莒潰非盟失信所以甚中國因與下潰日相起

公至自會二月伯姬歸于宋夏季孫行父

如宋致女未有言致女者此其言致女何

錄伯姬也古者婦人三月而後廟見稱婦擇日而祭於禰成婦之義也父母使大夫操禮而致之必三月

者取一時足以別貞信貞信著然後成婦禮書者與上納幣同義所以彰其繁且為父母安禁之言女者謙不敢自成禮

婦人未廟見而死歸葬於女氏之黨晉人來媵媵不書此何以書

錄伯姬也義與上同復發傳者樂道人之善秋七月丙子齊侯

無野卒晉人執鄭伯晉欒書帥師伐鄭

冬十有一月葬齊頃公楚公子嬰齊帥

師伐莒庚申莒潰日者錄責中國無信同盟楚不能相救至為畏敵所潰

人入運秦人白狄伐晉鄭人圍許城中城

十年春衛侯之弟黑背率師侵鄭夏四

月五卜郊不從乃不郊其言乃不郊何扭上不郊不言

乃僖公不從言免牲也不免牲故言乃不郊也不免牲當坐盜天姓大事天之

道故諱使若重難不得郊五月公會晉侯齊侯宋公衛侯

曹伯伐鄭不致者成公數卜郊不從怨懟故不免牲齊不但免牲而已故奪臣子辭以起之

人來媵媵不書此何以書錄伯姬也三國

來媵非禮也曷為皆以錄伯姬之辭言之大二三三三十八公羊八九

婦人以眾多為侈也侈大也朝廷侈於妬上婦人侈於妬下伯姬以至賢為三國所

爭媵故侈大其能容之唯天寸娶十二女丙午晉侯孺卒不書葬者殺大夫趙同等秋

七月公如晉如晉者冬也去冬者惡成公前既怨懟不免也今復如晉過郊乃反遂怨懟無事天之意

當絕之

十有一年春王三月公至自晉晉侯使郟州

來聘己丑及郟州盟夏季孫行父如晉秋

叔孫僑如如齊冬十月

十有二年春周公出奔晉周公者何天子之

三公也王者無外此其言出何自其私土而

出也私土者謂其國也此起諸侯入為天子三公也周公驕蹇不事天子出居私土不聽京師之政天子召之而出

走明當并絕其國故以出  
國錄也不月者小國也

夏公會晉侯衛侯于沙

澤秋晉人敗狄于交剛冬十月

十有三年春晉侯使卻錡來乞師三月公

如京師月晉善公夏五月公自京師遂會晉

侯齊侯宋公衛侯鄭伯曹伯邾婁人滕

人伐秦其言自京師何據僖公二十八年諸侯公

鑿行也以起公鑿行也公鑿行奈何不敢過

天子也時本欲直伐秦途過京師不敢過天子而不朝復生

至自伐秦月晉危公幼冬葬曹宣公

大二十八年

公羊八

十

十有四年春王正月莒子朱卒莒大夫于邾婁至

秋叔孫僑如如齊逆女凡娶早晚皆不譏者鄭

公子喜率師伐許九月僑如以夫人婦姜

氏至自齊冬十月庚寅衛侯臧卒秦伯卒

十有五年春王二月葬衛定公三月乙巳

仲嬰齊卒仲嬰齊者何疑仲遂後公孫嬰齊

也未見於經為公孫嬰齊今為公孫嬰齊則曷為

謂之仲嬰齊為兄後也為兄後則曷為

謂之仲嬰齊公孫為人後者為之子也更為

公孫

之子故不得復氏公孫 為人後者為其子則其稱仲何氏

非孫以王父字為氏也謂諸侯子也顧興滅繼絕故紀族明所出 然

則嬰齊孰後後歸父也歸父使于晉而未

反宣公十八年自晉至 何以後之絕也 叔仲惠

伯傅子赤者也叔仲者叔彭生氏也文家字積於叔叔仲有長幼故連氏之經云仲者明春秋

質家當積於仲惠謚也 文公死子幼子赤幼也 公子遂謂叔仲

惠伯曰君幼如之何願與子慮之叔仲惠

伯曰吾子相之老夫抱之禮大夫七十而致事若不

以婦人從迺四方乘安車自稱曰老夫 何幼君之有公子遂知其不

可與謀退而殺叔仲惠伯弑子赤而立宣

大三卅五小二四十一 公羊八 癸丑重刊 一 高之

公殺叔仲惠伯不書者舉弑君為重叔仲惠伯事與荀息相類不得為累者有異也叔仲惠伯直先見殺爾不如荀息

之死 宣公死成公幼臧宣叔者相也臧孫許君

死不哭聚諸大夫而問焉曰昔者叔仲惠

伯之事孰為之諸大夫皆雜然曰仲氏也

其然乎於是遣歸父之家時見君幼欲以防示諸大夫 然後

哭君歸父使乎晉還自晉至櫪聞君薨家

遣墀帷哭君成踊反命于介自是走之齊

魯人徐傷歸父之無後也徐者皆共之辭也關東語傷其先人為惡身見

遂絕不忿懟也 於是使嬰齊後之也弟無後兄之義為亂昭穆之序失父子之親故

不言仲孫明不與子為父孫 癸丑公會晉侯衛侯鄭伯曹伯

宋世子成齊國佐邾婁人同盟于戚晉侯執

曹伯歸之于京師為奠公至自會夏六月宋

公固卒不日者多及二國楚子伐鄭秋八月庚辰

葬宋共公宋華元出奔晉宋華元自晉歸

于宋不者文後出宋華元者宋公卒子幼華元以憂國為六

宋殺其大夫山不氏者見殺在華元歸後

宋魚石出奔楚與山有親恐見及也後得言復

冬十有一月叔孫僑如會晉士燮齊高

無咎宋華元衛孫林父鄭公子鱣邾婁人

會吳于鍾離曷為殊會吳不楚外吳也曷

為外也不楚外之春秋內其國而外諸夏內

諸夏而外夷狄其國者假魯以為京師也諸夏外

辭也不楚楚始見所傳聞也尚外諸夏亦得殊也至

王者欲一乎天下曷為以外內之

辭言之一統言自近者始也明當先正京師乃正諸

漸治之葉公問政於孔子孔子曰近者說遠者來李康子問政於

許遷于葉侯既委任大夫復命交接夷狄

十有六年春王正月雨木冰雨木冰者何雨

而木冰也何以書記異也木者少陽幼君大臣之象

夏四月辛未滕子卒滕子始卒於

於兵之徵也

於者君臣將執

宣公日於成

公不名邾婁始卒於之公日於襄公名俱葬於昭公是以知滕小鄭公子喜帥師侵

宋六月丙寅朔日有食之是後楚滅鄢庸晉厲公

復晉日侯使欒黶來乞師甲午晦晦者何

冥也何以書記異也此王公失道臣代晉侯及楚

子鄭伯戰于鄢陵楚子鄭師敗績敗者稱

師楚何以不稱師據宋公戰于王彘也王彘者

何傷乎矢也時為飛然則何以不言師敗績

據王末言爾未無也無所取於言師敗績也凡舉師敗績

齊侯衛侯宋華元邾婁人于沙隨不見公

公至自會不見公者何公不見見也不見見者

不恥也曷為不恥探意之會公幼也因公幼殺恥為

伐鄭曹伯歸自京師執而歸者名曹伯

何以不名而不言復歸于曹何據曹伯襄易

也易故未言之其易柰何公子喜時在內也公

于喜時在內則何以易喜時也公子喜時者

仁人也內平其國而待之和平其臣民令外治

諸京師而免之訟治于京師其言自京師何

解免使來歸

大ニマ四十八ハ三

公羊八

十三

据僖二十八年晉人執衛侯歸之于京師後復歸于衛俱天子所歸不言自京師不連歸問者嫌自京師天子有力文言其易欲并問力文與上說喜時錯言其甚易也舍是無難矣言歸自京師者與內摺臣子致公同文欲言其甚易也舍此所從還無危難矣主所以見曹伯歸本摺喜時平國反之書非錄京師有力也執歸書者賢喜時為其所算終無怨心而復深推精誠憂免其難非至仁莫能行之故書起其功也九月晉人

執季孫行父舍之于招丘執未有言舍之者此其言舍之問仁之也曰在招丘悌矣悲

也仁之者若曰在招丘可悲矣關錄之辭執未有言仁之者此其言仁之

何代公執也其代公執奈何前此者晉人來

乞師而不與不書者不與無惡公會晉侯會沙隨也將執公

季孫行父曰此臣之罪也於是執季孫行

公三十八

十四

父成公將會晉厲公謂上伐鄭也言謚者別嬰齊所請也明言公會晉侯者嬰齊所請事也故下

會不當期將執公季孫行父

曰臣有罪執其君子有罪執其父此聽失

之大者也今此臣之罪也舍臣之身而執臣

之君吾恐聽失之為宗廟羞也於是執季

孫行父善其過則稱已美則稱君累代公執在危殆之地故地言舍而月之者痛傷忠臣不得其所為代公

執不稱行人者在君側非出使冬十月乙亥叔孫僑如出奔齊

十有二月乙丑季孫行父及晉郟州盟于

扈行父執釋不致者舉公至為重公至自會乙酉刺公子偃

十有七年春衛北宮結率師侵鄭夏公會



尹子單子晉侯齊侯宋公衛侯曹伯邾婁  
人伐鄭六月乙酉同盟于柯陵秋公至自會

齊高無咎出奔莒九月辛丑用郊用者何  
用者一不用也九月非所用郊也周之九月夏

上升地氣下降又然則郊曷用郊用正月上辛  
非郊時故不用之然則郊曷用郊用正月上辛

魯郊博下春三月言正月言因元日正正郊言而也三王之郊  
一用夏正言正月者春秋之制也正月者歲首上辛猶始新皆  
取其首先之意日者明也曰用然後郊或曰用若先有  
用立則不郊則不日也

荀瑩來乞師冬公會單子晉侯宋公衛侯曹  
也晉人將有事於河必先有事於天必先有事於澤於泰山必  
先有事於山林魯人將有事於天必先有事於澤於泰山必  
得禮教言用小大盡譏之以不郊乃譏三望知郊不

伯齊人邾婁人伐鄭十有一月公至自伐鄭  
月者方正下壬申故月之

君命然後卒大夫曷為待君命然後卒大  
夫昭公山盍前此者則齊走之晉不書者以為

之罪公會晉侯將執公與齊為公請公許  
之反為大夫歸至于狸軫而卒十月壬申日無

君命不敢卒大夫國之未報君命不公至十一月曰

吾固許之反為大夫許及為大夫然後卒之善  
不敢自專故引其死月下就公至月即命矣十有二月丁巳

日有食之邾婁子貜且卒晉殺其大夫郤

錡郤州郤至楚人滅舒庸舒庸東夷道吳圍巢

十有八年春王正月晉殺其大夫胥童庚

申晉弒其君州蒲日者二月庚申日上繫於正月者起正月見幽二月庚申日死也厲

公猥殺四大夫臣下人人恐見及以致此禍故日起其事深為有國者戒也齊殺其大夫國

佐公如晉夏楚子鄭伯伐宋宋魚石復入

于彭城不書叛者楚為魚石伐宋取彭城以封之本受于楚非得于宋故舉伐於上起其意也楚以封魚石復本

繫于宋言復入者不與楚專封故從犯君錄之主書者起其專封公至自晉晉侯使士

甸來聘秋杞伯來朝八月邾婁子來朝築

鹿園何以書譏爾有園矣又為也刺奢秦妨

民天子園方百里公侯十里伯七里子男五里皆取一也己丑公薨于路寢冬楚

人鄭人侵宋晉侯使士彭來乞師十有二

月仲孫蔑會晉侯宋公衛侯邾婁子齊崔

杼同盟于虛打不日者時欲行義為宋誅魚石故善而為信辭或喪盟略丁未葬

我君成公

春秋公羊卷第八

經三千三百八十六字  
注四千二百四十六字

春秋公羊經傳解詁襄公第九

何休學

元年春王正月公即位仲孫蔑會晉欒

黶宋華元衛甯殖曹人莒人邾婁人滕人

薛人圍宋彭城宋華元曷為與諸侯圍宋

彭城

據晉趙鞅以地正國加叛文今此無加叛文故問之

為宋誅也

故華元無惡文

其

為宋誅柰何魚石走之楚楚為之伐宋取

彭城以封魚石魚石之罪柰何以入是為

罪也

說在成十八年書者善諸侯為宋誅雖不能誅猶有屈疆臣之功

楚已取之矣

曷為繫之宋

據莒人伐杞取牟婁後莒牟夷以牟婁來奔不繫杞

不與諸侯

大ニの十四小四廿三

公羊九

癸丑重刊

一

吳茂

專封也

故奪繫於宋使若宋邑者楚救不書者從封內兵也

夏晉韓屈帥師

伐鄭仲孫蔑會齊崔杼曹人邾婁人杞人

次于合

刺欲救宋而後不能也知不救鄭者時鄭背中國不能救不得刺

秋楚公子

壬夫帥師侵宋九月辛酉天王崩邾婁子

來朝冬衛侯使公孫剽來聘晉侯使荀罃

來聘

二年春王正月葬簡王鄭師伐宋夏五月

庚寅夫人姜氏薨六月庚辰鄭伯論卒

不書葬者

諱伐喪

晉師宋師衛甯殖侵鄭秋七月仲孫蔑

會晉荀罃宋華元衛孫林父曹人邾婁人

于戚己丑葬我小君齊姜齊姜者何齊姜與繆姜則未知其為宣夫人與成夫人與

齊姜者宣公夫人九年繆姜者成公夫人也傳家依違者襄公服繆姜喪未踰年親自伐鄭有惡故傳從內義不正言也

叔孫豹如宋冬仲孫蔑會晉荀罃齊崔杼

宋華元衛孫林父曹人邾婁人滕人許人

小邾婁人于戚遂城虎牢虎牢者何鄭之

邑也以下成其言城之何據外城取之也取之

則曷為不言取之據取為中國諱也曷為為

中國諱據莒伐杞取牟諱伐喪也曷為不繫乎

鄭為中國諱也大夫無遂事此其言遂何

公羊

歸惡乎大夫也使若大夫自生事取之楚殺其大

夫公子申

三年春楚公子嬰齊帥師伐吳公如晉夏

四月壬戌公及晉侯盟于長檇公至自晉

盟地者不干都也以晉致者上盟不干都嫌如晉不得入故以晉致起之不別盟得意者成公比失意于晉公獨得容盟得意

亦可六月公會單子晉侯宋公衛侯鄭伯莒

子邾婁子齊世子光己未同盟于雞澤下盟

日者信在陳侯使袁僑如會其言如會何據

伯襄言會諸侯後會也不直言會盟者時諸侯不親戊寅

叔孫豹及諸侯之大夫及陳袁僑盟曷為

鄆子言會盟

殊及陳袁僑據俱諸侯之大夫也言之大夫者辟諸侯與大夫皆盟為其與袁

僑盟也陳鄭楚之與國陳侯有慕中國之心有疾使大夫會諸侯欲附疏不復備責遂與之盟共結和親故殊之

起王為與袁僑盟也復出陳者喜得陳國秋公至自會也不重出地有諸侯在臣繫君故因上地

冬晉荀罃帥師伐許

四年春王三月己酉陳侯午卒夏叔孫豹

如晉秋七月戊子夫人弋氏薨葬陳成公

八月辛亥葬我小君定弋定弋者何襄公

之母也定弋莒女也襄公者成公之妾子冬公如晉陳人圍頓

五年春公至自晉夏鄭伯使公子發來聘

叔孫豹郕世子巫如晉外相如不書此何

二〇二六  
小三〇九二

公羊九

三

琛

以書據晉卻克與臧孫許同時而聘于齊不書為叔孫豹率而與之

俱也以不殊郕世子俱言如也叔孫豹則曷為率而與之

俱據非內大夫蓋舅出也巫者郕前夫人襄公母姊妹之子也俱莒外孫故曰舅出莒將

滅之故相與往殆乎晉也殆疑疑壽于晉齊人語莒將滅

之則曷為相與往殆乎晉據當以兵救之取後乎莒

也其取後乎莒柰何莒女有為郕夫人者

蓋欲立其出也時莒女嫁為郕後夫人夫人無男有女還嫁之于莒有外孫郕子愛後夫人而

無子欲立其外孫主書者善之得為仲孫蔑衛孫林父

會吳于善稻先通好見使拜故不殊蓋起所取秋大

雩先是襄公數用兵圍彭城虎牢三年再會四楚殺其

年如晉踰年乃反又賦斂重恩澤不施之所致

大夫公子壬夫公會晉侯宋公陳侯衛侯

鄭伯曹伯莒子邾婁子滕子薛伯齊世子

光吳人鄆人于戚吳何以稱人據上善稻之吳

鄆人云則不辭孔子曰言不順則事不成方以吳抑鄆國列在稱人上不以順辭故進吳稱人

所以抑鄆者經書莒人滅鄆又與巫許巫當存惡鄆文不見見惡必以吳者夷狄尚知父死子繼故以甚鄆也等不使鄆稱國者鄆不如夷狄故不得與夷狄同文公至自會冬戎陳孰戎之諸

侯戎之曷為不言諸侯戎之據下救陳離至

不可得而序離至離別前後至也陳坐欲與中國被強楚之害中國宜雜然同心救之乃解怠前

後至故不序以故言我也言我者以魯至時書與魯微者同文微者同文者使若城楚丘

辟魯獨戎之戎例時楚公子貞帥師伐陳公會晉侯宋

公衛侯鄭伯曹伯莒子邾婁子滕子薛伯

齊世子光救陳十有二月公至自救陳辛

未季孫行父卒

六年春王三月壬午杞伯姑容卒始卒便名日書葬者新黜

未忍便夏宋華弱來奔秋葬杞桓公滕子來

朝莒人滅鄆莒稱人者莒公子鄆外孫稱人者從莒無大夫也言滅者以異姓為後莒人當坐滅

也不月者取後于莒非兵滅冬叔孫豹如邾婁季孫宿如晉

十有二月齊侯滅萊曷為不言萊君出奔

據譚子國滅君死之正也明國當存不書殺萊君者舉滅國為重

七年春郊子來朝夏四月三卜郊不從乃

免牲小邾婁子來朝城費秋季孫宿如衛

八月蠓先是邾小邾婁來朝有賓主之賦加以城費季子孫宿如衛煩憂之應冬十月衛

侯使孫林父來聘壬戌及孫林父盟楚公

子貞帥師圍陳十有二月公會晉侯宋公

陳侯衛侯曹伯莒子邾婁子于鄆鄭伯鬃

原如會未見諸侯丙戌卒于操操者何鄭

之邑也諸侯卒其封內不地此何以地據陳侯鮑

卒不隱之也何隱爾弒也孰弒之其大夫弒

之曷為不言其大夫弒之據鄭公子歸生弒其君夷書為中

國諱也曷為為中國諱據歸生弒君不為中國諱鄭伯將

大ニラ三十五 小ニラ五十一 公羊九 五 寧

會諸侯于鄆其大夫諫曰中國不足歸也

則不若與楚鄭伯曰不可其大夫曰以中

國為義則伐我喪據城虎以中國為彊則不

若楚言楚屬圍陳不能收於是弒之禍由中國無義故鄭伯

鬃原何以名據陳侯如會不名傷而反未至乎舍而

卒也舍昨日所舍止處也以操鄭邑知傷而反也未見諸侯尚往辭知未至舍也云爾者古者保辜諸侯卒名故於

如會名之明如會時為大夫所傷以傷辜死也右親無未見

諸侯其言如會何致其意也鄭伯欲與中國意未達而見弒故養遂而

致之所以達賢者之心陳侯逃歸起鄭伯欲與中國卒逢其禍諸侯莫有恩痛自疾之心於是懼然後逃歸

故書以刺中國之無義加逃者抑陳侯也孔子曰夷狄之有君不如諸夏之亡不當背也

八年春王正月公如晉

月者起鄆之會鄭伯以弒陳侯逃歸公獨脩禮於大

國得自安之道故善錄之

夏葬鄭僖公賊未討何以書葬為

中國諱也

探順上事使若無賊然不月者本實當去葬責臣子故不足也

鄭人侵蔡

獲蔡公子燮此侵也其言獲何

據宋師敗績獲宋華元戰乃言

獲侵而言獲者適得之也

時適遇值其不備獲得之易不言取之者封內

兵不書嫌如子糾取一人故言獲起有兵也又將兵禦難不明候伺雖不戰鬪當坐獲

季孫宿會晉

侯鄭伯齊人宋人衛人邾婁人于邢丘公

至自晉莒人伐我東鄙秋九月大雩

由城費公比出

會如晉莒人伐我動擾不恤民之應

冬楚公子貞帥師伐鄭晉侯

使士匄來聘

二二九大小三三七小

公羊九

癸丑重刊

六

刘昌

九年春宋火曷為或言災或言火大者曰

災小者曰火

大者謂正侵社稷宗廟朝廷也下此則小矣災者難本辭故可以見火

然則

內何以不言火

據西宮災不言火

內不言火者甚之也

春秋以內為天下法動作當先自克責故小有火如大有災

何以書記災也外災

不書此何以書為王者之後記災也

是時周樂已毀

先聖法度浸疏遠不用之應

夏季孫宿如晉五月辛酉夫人

姜氏薨秋八月癸未葬我小君繆姜冬公

會晉侯宋公衛侯曹伯莒子邾婁子滕子

薛伯杞伯小邾婁子齊世子光伐鄭十有

二月己亥同盟于戲

事連上伐不致者惡公服繆姜喪未踰年而親伐鄭故奪臣子



辭 楚子伐鄭

十年春公會晉侯宋公衛侯曹伯莒子邾婁子滕子薛伯杞伯小邾婁子齊世子光會吳于柤夏五月甲午遂滅偃陽公至自

會

滅日者甚惡諸侯不崇禮義以相安反遂為不仁開道疆夷滅中國中國之禍連蔓日及故疾錄之滅比于取邑例

不當書致書致者深諱使若公與上會不與下滅

楚公子貞鄭公孫輒帥

師伐宋晉師伐秦秋莒人伐我東鄙公會

晉侯宋公衛侯曹伯莒子邾婁子齊世子

光滕子薛伯杞伯小邾婁子伐鄭冬盜殺

鄭公子斐公子發公孫輒

不言其大夫者降從盜故與盜同文 戎

大二十六 小三十三

公三九

卷廿重刊

一七

李太專

鄭虎牢孰戎之諸侯戎之曷為不言諸侯

戎之離至不可得而序故言我也

刺諸侯既取虎牢以

為蕃蔽不能雜然同心安附之

諸侯已取之矣曷為繫之鄭

莒

牟夷以牟婁來奔本杞之邑不繫于杞

諸侯莫之主有故反繫之

鄭

諸侯本無利虎牢之心欲共以距楚爾無主有之者故不

不言取今刺戎之舒緩嫌於義反故正之云爾

楚公子貞帥師救鄭公至

自伐鄭

十有一年春王正月作三軍三軍者何三

卿也

為軍置三卿官也卿大夫爵號大同小異方據上卿道中下故摠言三卿

作三軍何以

書

欲問作多書乎作少書乎故復全舉句以問之

譏何譏爾古者上卿

下卿上士下士

說古制司馬官數古者諸侯有司徒司空上卿各一下卿各二司馬事省上下

卿各一上士相上卿下士相下卿足以為治襄公委任疆臣國家內亂兵革四起軍職不共不推其原乃益司馬作中卿官踰王制故譏之言軍者本以軍數置之月者重錄之夏四月卜郊不從乃

不郊

成公下文不致此致者襄公但不免牲爾不怨對無所起

鄭公孫舍之帥師

侵宋公會晉侯宋公衛侯曹伯齊世子光

莒子邾婁子滕子薛伯杞伯小邾婁子伐

鄭秋七月己未同盟于京城北公至自伐

鄭楚子鄭伯伐宋公會晉侯宋公衛侯曹

伯齊世子光莒子邾婁子滕子薛伯杞伯

小邾婁子伐鄭會于蕭魚此伐鄭也其言

公羊九

於子重刊

八

是之成

會于蕭魚何

據伐鄭常難今有詳錄之文

蓋鄭與會爾

中國以鄭故三

年之中五起兵至是乃服其後無干戈之患二十餘年故喜而詳錄其會起得鄭為重

公至自會楚

人執鄭行人良霄冬秦人伐晉

為楚救鄭

十有二年春王三月莒人伐我東鄙圍台

邑不言圍此其言圍何伐而言圍者取邑

之辭也伐而不言圍者非取邑之辭也

外取

邑有嘉惡當書不直言取邑者深恥中國之無信也前九年伐得鄭同盟于戲楚伐鄭不救卒為鄭所背中國以弱壘荆以疆兵革亟作蕭魚之會服鄭最難不務長和親復相貪犯故諱而言圍以起之月者加責之季孫宿帥

師救台遂入運

入運者討叛也封內兵書者為遂舉討叛惡遂者得而不取與不討同故言入

起其事大夫無遂事此其言遂何公不得為政

爾時公微弱政教不行故季孫宿遂取鄆以自益其邑夏晉侯使士彭來聘

秋九月吳子乘卒至此卒者與中國會同本在楚後賢季子因始卒其父是後亦欲見

其迭為君卒皆不日吳遠于楚冬楚公子貞帥師侵宋公如晉

十有三年春公至自晉夏取詩詩者何邾

婁之邑也曷為不繫乎邾婁諱亟也諱背蕭魚之會

亟秋九月庚辰楚子審卒冬城防

十有四年春王正月季孫宿叔老會晉士

句齊人宋人衛人鄭公孫嚙曹人莒人邾

婁人滕人薛人杞人小邾婁人會吳于向

月者危刺諸侯委任大夫交會疆夷臣日以疆三年之後君若贅旒然二月乙未朔日有

大二百四十九小一百五十八公羊九 於廿重刊 一九 高安國

食之是後衛侯為疆臣所逐出奔淝梁之盟信在大夫夏四月叔孫豹會

晉荀偃齊人宋人衛北宮結鄭公孫嚙曹

人莒人邾婁人滕人薛人杞人小邾婁人

伐秦己未衛侯衎出奔齊日者為孫氏甯氏所逐後甯氏復納之出

納之者同當相起故獨日也不書孫甯逐君者舉君絕為重見逐說在二十七年莒人侵我東

鄙秋楚公子貞帥師伐吳冬季孫宿會晉

士句宋華閱衛孫林父鄭公孫嚙莒人邾

婁人于戚

十有五年春宋公使向戌來聘二月己亥

及向戌盟于劉劉夏逆王后于齊劉夏者

何天子之大夫也劉者何邑也其稱劉何

据宰渠伯糾繫官以邑氏也諸侯入為天子大夫不得氏國稱本爵故以所受采邑氏稱子所謂采者

不得有其土地人民采取其租稅爾禮記王制曰天子三公之田視公侯卿視伯大夫視子男元士視附庸稱子者參見義顧

為天子大夫亦可以見諸侯不生名亦可以見爵亦可以見大夫稱傳曰天子大夫是也不稱劉子而名者禮逆王后當使三公故賤去大

夫明非禮也外逆女不書此何以書過我也明魯

當共送迎之禮夏齊侯伐我北鄙圍成俱犯蕭魚此不月十二年月者疾始

可公救成至遇其言至遇何据季孫宿救台不言所至不敢

進也兵不敵不敢進也不言止次如公次于郎以刺之者量力不責重民也故與至攜同文封內兵書者為不進張本

季孫宿叔孫豹帥師城成郟秋八月丁巳

日有食之是後湟梁之盟信在大夫齊蔡莒吳衛之禍徧滿天下邾婁人伐我

公羊九 癸亥重刊 十 高寧

南鄙冬十有一月癸亥晉侯周卒

十有六年春王正月葬晉悼公三月公會

晉侯宋公衛侯鄭伯曹伯莒子邾婁子薛

伯杞伯小邾婁子于湟梁戊寅大夫盟諸

侯皆在是其言大夫盟何据葵丘之盟諸侯皆在大夫不言大夫盟

信在大夫也故書大夫盟不言諸侯之大夫者起信在大夫何言乎信在

大夫据上三年戊寅不起徧刺天下之大夫也曷為徧刺

天下之大夫据戊寅不刺之君若贅旒然旒旒旒贅繫屬之辭若今俗名

就壻為贅壻矣以旒旒喻者為下所執持東西旒者其數名禮記玉藻曰天子旂十有二旒諸侯九卿大夫七士五不言諸侯

之大夫者明所刺者非但會上大夫并徧刺天下之大夫不殊內大夫者欲一其文見惡同也至此所以徧刺之者蕭魚之會

服鄭最難諸侯勞倦莫肯復出而大夫常行三委于臣而君遂失權大夫故得信在故孔子曰唯器與名不可以假人不重出地者與三年雞

澤大夫盟同義晉人執莒子邾婁子以歸錄以歸者甚惡

晉有罪無罪皆當歸齊侯伐我北鄙夏公至自會日五月甲子地震是時漢梁之盟政在晉下其後叛臣二弒君五楚滅舒鳩齊侯釁莒乖離

山奔兵事最甚叔老會鄭伯晉荀偃衛甯殖宋人伐

許秋齊侯伐我北鄙圍成大雩先是伐許齊侯圍成動民之應

冬叔孫豹如晉

十有七年春王二月庚午邾婁子矐卒宋

人伐陳夏衛石買帥師伐曹秋齊侯伐我

北鄙圍洮齊高厚帥師伐我北鄙圍防九

公羊九

月六雩此年仍見圍不暇恤民之應宋華臣出奔陳冬邾婁

人伐我南鄙

十有八年春白狄來白狄者何夷狄之君

也何以不言朝不能朝也夏晉人執衛行

人石買秋齊師伐我北鄙冬十月公會晉

侯宋公衛侯鄭伯曹伯莒子邾婁子滕子

薛伯杞伯小邾婁子同圍齊曹伯負芻

卒于師楚公子午帥師伐鄭

十有九年春王正月諸侯盟于祝阿下有執不日者

善同伐齊故晉人執邾婁子公至自伐齊此

慶與信辭

同圍齊也何以致伐據諸侯圍許致圍未圍齊也致致

未圍齊則其言圍齊何抑齊也曷為抑齊楚猶不抑

世子處乎諸侯之上也以下葬略或說是也或曰為其驕蹇使其

取邾婁田曰灕水其言自灕水何據齊人

以灕為竟也何言乎以灕為竟據西

灕移也魯本與邾婁以灕為竟灕移入邾婁界魯隨而有

師伐齊秋七月辛卯齊侯瑯卒晉士匄帥

師侵齊至穀聞齊侯卒乃還還者何善辭

也何善爾大其不伐喪也此受命乎君而

伐齊則何大乎其不伐喪據公子買戍衛不卒大

夫以君命出進退在大夫也禮兵不從中御外臨

義所在言聞齊侯卒引師而去恩動孝子之心義服諸侯之

齊殺其大夫高厚鄭殺其大夫公子喜冬

葬齊靈公不月者抑其父嫌子可得無過故奪臣于

西郭言西郭者據都城錄道東西叔孫豹會晉士匄于柯城

武城

二十年春王正月辛亥仲孫遫會莒人盟

于向夏六月庚申公會晉侯齊侯宋公衛侯鄭伯曹伯莒子邾婁子滕子薛伯杞伯小邾婁子盟于澶淵秋公至自會仲孫遨帥師伐邾婁蔡殺其大夫公子燮蔡公子履出奔楚陳侯之弟光出奔楚為二慶所譖還在二十三年叔老如齊冬十月丙辰朔日有食之自溴梁之盟臣

恣日甚故比年日食季孫宿如宋

二十有一年春王正月公如晉月者溴梁之盟後中國方乖離

善公獨能與大國邾婁庶其以漆閭丘來奔邾婁庶

其者何邾婁大夫也邾婁無大夫此何以

大二十有五十八小二十二十一公羊九

十三

余實

書無氏重地也惡受人叛臣邑故重而書之不言叛者

省文也夏公至自晉狄晉欒盈出奔楚九月庚戌

朔日有食之冬十月庚辰朔日有食之曹

伯來朝公會晉侯齊侯宋公衛侯鄭伯曹

伯莒子邾婁子于商任十有一月庚子孔

子生時歲在己卯

二十有二年春王正月公至自會月者危公前彊隨邾有邾

婁地又受其叛臣邑而今與會不於上會月者與日食同月不得復見夏四月秋七月辛

酉叔老卒冬公會晉侯齊侯宋公衛侯鄭

伯曹伯莒子邾婁子滕子薛伯杞伯小邾

婁子于沙隨公至自會楚殺其大夫公子  
追舒

二十有三年春王二月癸酉朔日有食之  
三月己巳杞伯勾卒夏邾婁鼻我來奔邾

婁鼻我者何邾婁大夫也邾婁無大夫此  
何以書以近書也以奔無他義知以治近升平書也所傳聞世見治始起外諸夏錄大略小

大國有大夫小國略稱人所聞之世內諸夏治小如大廩廩近升平故小國有大夫治之漸也見於邾婁者自近始也獨舉一國者時亂實未有大天治亂葬杞孝公陳殺其大

夫慶虎及慶寅陳侯之弟光自楚歸于陳  
前為二慶所譖出奔楚楚人治其罪陳人誅二慶反光故言歸宋大夫山譖華元貶此不貶者殺二慶而光歸譖光可知

大二十十七  
小二十五

公羊九

十四

余實

晉欒盈復入于晉入于曲沃曲沃者何晉  
之邑也其言入于晉入于曲沃何據當舉重欒盈  
將入晉晉人不納由乎曲沃而入也欒盈本欲入晉

篡大夫位晉人不納更入於曲沃得其士眾以入秋齊侯  
伐衛遂伐晉八月叔孫豹帥師救晉次于

雍渝曷為先言救而後言次據次于攝先通君  
命也惡其不遂君命而專止已卯仲孫遫卒冬十

月乙亥臧孫紇出奔邾婁晉人殺欒盈曷  
為不言殺其大夫據篡得大非其大夫也明非

置不得為大夫無大夫文而殺之齊侯龍哀莒  
稱人者從討賊辭大其除亂也



二十有四年春叔孫豹如晉仲孫羯帥師

侵齊夏楚子伐吳秋七月甲子朔日有食

之既是後楚滅舒鳩齊崔杼衛心捕其君齊崔杼帥師伐莒大水

前此叔孫豹與晉仲孫羯侵齊比與師眾民怨之所生八月癸巳朔日有食之

與甲子同公會晉侯宋公衛侯鄭伯曹伯莒子邾

婁子滕子薛伯杞伯小邾婁子于陳儀冬

楚子蔡侯陳侯許男伐鄭公至自會陳鍼

宜咎出奔楚叔孫豹如京師大饑有死傷曰大饑無死

傷曰饑

二十有五年春齊崔杼帥師伐我北鄙夏

大二十四

公羊九

十五

才

五月乙亥齊崔杼弑其君光公會晉侯宋

公衛侯鄭伯曹伯莒子邾婁子滕子薛伯

杞伯小邾婁子于陳儀六月壬子鄭公孫

舍之帥師入陳日者陳鄭俱楚之與國今鄭背楚入陳

國憂錄之秋八月己巳諸侯同盟于重丘會盟再出不舉重者

起諸侯欲誅崔杼故詳錄之公至自會衛侯入于陳儀陳儀

者何衛之邑也曷為不言入于衛据與鄭突入櫟同諼

君以弑也以先言入後言弑也時衛侯為剽所篡遂不能以義自復詐願居是邑為剽臣然後候聞伺便

使甯喜弑之君子恥其所為故就為臣以諼君惡之未得國言入者起詐篡從此始楚屈建帥師

滅舒鳩冬鄭公孫嚙帥師伐陳十有二月

吳子謁伐楚門于巢卒門于巢卒者何入門乎巢而卒也入門乎巢而卒者何入巢

之門而卒也以先言門後言于巢吳子欲伐楚過巢不假塗卒暴入巢門門者以為欲犯巢而射

殺之君子不怨所不知故與巢得釋之使若吳為自死文所以強守禦也書伐者明持兵入門乃得殺之

何以名按諸侯伐不名傷而反未至乎舍而卒也以名

卒閒無事知以傷卒死還就張本之代名知傷而反卒繫巢知未還至舍巢不坐殺復見幸者幸內當以弒君論之幸外當以

傷君論之

二十有六年春王二月辛卯衛甯喜弒其

君剽甯喜為衛侯行弒剽不舉術弒剽者諉成于喜衛孫林父入于戚以

叛術盜國林父未君事術言叛者林父本逐術術入故叛術得誅之猶定公得誅季氏故正之云爾甲午

大六十八小四八字

公羊九

十六

吳山

衛侯術復歸于衛此諛君以弒也其言復

歸何據齊陽生至陳乞家時書入于齊不書歸復歸者入無惡文惡剽也主惡剽衛侯入無惡

則剽惡明矣曷為惡據齊陽生不書歸惡舍剽之立於是未有

說也凡篡立皆緣親親也剽以公孫立於是位尤非其次故衛人未有說喜由此得成諛禍故惡以為戒也篡重不書反

惡此者因重不得書故然則曷為不言剽之立據衛人立

晉不言剽之立者以惡衛侯也欲起衛侯失眾出奔故不書剽立剽

立無惡則衛侯惡明矣日者起并氏宿納之故出入同文也甯喜弒君而衛侯歸則甯氏納之明矣以歸出奔俱日知出納之

者同衛侯歸而孫氏及孫氏不與甯氏共逐之亦可知也名者起盜國盜國明則復歸為惡剽出見矣夏晉侯

使荀吳來聘公會晉人鄭良霄宋人曹人

于澶淵秋宋公殺其世子痤痤有罪故晉人

執衛甯喜此執有罪何以不得為伯討摺

喜弒君者稱人而執非伯討不以其罪執之也明不得以為功當坐執人八月

壬午許男甯卒于楚冬楚子蔡侯陳侯伐

鄭葬許靈公

二十有七年春齊侯使慶封來聘夏叔孫

豹會晉趙武楚屈建蔡公孫歸生衛石惡

陳孔瑋鄭良霄許人曹人于宋衛殺其大

夫甯喜衛侯之弟鱣出奔晉衛殺其大夫

甯喜則衛侯之弟鱣曷為出奔晉摺與射為

殺甯喜出奔也曷為為殺甯喜出奔摺非

衛甯殖與孫林父逐衛侯而立公孫剽甯

殖病將死謂喜曰黜公者非吾意也孫氏

為之黜猶我即死女能固納公乎固猶必也喜者

氏共立剽而孫氏獨喜曰諾甯殖死喜立為大夫

得其權故有此言使人謂獻公曰黜公者非甯氏也孫氏為

之吾欲納公何如獻公曰子苟欲納我吾

請與子盟盟者欲堅喜曰無所用盟時喜見獻公

子鱣保之故辭不肯盟曰請使公子鱣約之喜素信

臣納君義也無用為盟矣請使公子鱣約之鱣以為

鱣能保獻公謂公子鱣曰甯氏將納我吾欲

與之盟其言曰無所用盟請使公子鱣約

與之盟其言曰無所用盟請使公子鱣約

之子固為我與之約矣公子鱣辭曰夫負

羈縶繫馬也執鈇鎖從君東西南北則是臣

僕庶孽之事也僕從者庶孽衆賤子猶樹之有孽生若夫約言為

信則非臣僕庶孽之所敢與也鱣見獻公多詐不敢保獻

公怒曰黜我者非甯氏與孫氏凡在爾欲以此語

迫從之公子鱣不得已而與之約已約歸至

殺甯喜獻公歸至國背約殺甯喜公子鱣執其妻子而去

之慙恚不能保獻公將濟于河攜其妻子攜猶提也而與之

盟惡乘舟有風波之害己意不得展故將濟豫與之盟曰苟有復衛地食衛

粟者時維彼視昧割也時割維以為盟猶曰視彼割維負此盟則如彼矣傳極道此者見獻公無信

豹及諸侯之大夫明于宋曷為再言豹據盟于首

戴不再出公殆諸侯也殆危也危諸侯故再出豹懼錄之曷為殆諸侯首

為衛石惡在是也曰惡人之徒在是矣

衛侯術不言而使惡臣石惡來故深為諸侯危懼其將負約為

禍原先見此者術負鱣殺喜得書葬嫌於義絕可欲起其小負

會盟再出不舉重者方再出豹也石惡惡者下出奔是也冬十有二月乙亥朔日

有食之是後開殺吳子餘祭蔡世子般弒其君莒人弒其君之應

二十有八年春無冰豹獨為政之所致夏衛石惡出奔

晉邾婁子來朝秋八月大雩公方欲如楚先是豫賦于民之所致仲

小三下州二 公羊九 十八 郊才

孫羯如晉冬齊慶封來奔十有一月公如

楚如楚皆月者危也十有二月甲寅天王崩靈王乙

未楚子昭卒乙未與甲寅相去四十二日蓋閏月也葬以

始死得以閏數非死月不得數非

二十有九年春王正月公在楚何言乎公

在楚據一十一在晉一書正月以存君也正月歲終未復始臣子喜其君

父與歲終而復始執贄存之故言在在晉不書在楚書召惡襄公以在夷狄為臣子危錄之夏五月公

至自齊庚午衛侯衍卒閻弒吳子餘祭閻

者何門人也守門人號刑人也以刑為閻古者肉刑墨劓隳

設言不刑人則曷為謂之王囚而揆刑人則曷為謂之應世黠巧姦偽多

閻非刑人名刑人非其人也以刑人為閻非其人故變盜言閻君子不

近刑人近刑人則輕死之道也刑人不自賴而用

為所怒以言為戒不言其君者公家不畜士庶不友故仲孫

羯會言荀盈齊高止宋華定衛世叔齊鄭

公孫段曹人莒人邾婁人滕人薛人小邾

妻人城杞書者記時微善晉侯使士鞅來聘杞

子來盟貶稱子者微弱不能自衛社稷宗廟當坐善諸

致諸吳子使札來聘吳無君無大夫此何以

有君有大夫據聘不足賢而使賢有君賢季子也何賢乎季子

有大夫荆人來聘是也讓國也其讓國奈何謁

也餘祭也夷昧也與季子同母者四與并也并季子四人

季子弱而才兄弟皆愛之同欲立之以為

君謁曰今若是這而與季子國進起也倉卒意季子

猶不受也請無與子而與弟弟兄迭為君

迭猶更也而致國乎季子皆曰諾故諸為君者皆

輕死為勇飲食必祝祝因祭也論語曰雖疏食菜羹必祝是也曰天

苟有吳國猶曰天誠欲有吳國當與昭弟尚速有悔於予身尚

祭也死夷昧也立夷昧也死則國宜之季

子者也季子使而亡焉僚者長庶也即之

公羊二十

緣兄弟相繼而即位所以不書僚篡者緣季子之心惡以己之是揚兄之非故為之諱所以起至而君之季子

使而反至而君之爾不為讓國者僚闔廬曰

先君之所以不與子國而與弟者凡為季

子故也將從先君之命與則國宜之季子

者也不從先君之命與則我宜立者也

僚惡得為君乎於是使專諸刺僚闔廬謁之長子光專

諸膳宰僚者多魚因避魚而刺之而致國乎季子季子不受曰

爾弑吾君吾受爾國是吾與爾為篡也爾

殺吾兄吾又殺爾是父子兄弟相殺終身

無已也凡弟相殺者謂闔廬為季子殺僚去之延陵延陵吳下邑禮公

不越不入吳朝既不忍討終身不入口不入吳朝既不忍討天國不入吳朝既不忍討故君子以

其不受為義以其不殺為仁故大其能去以其不

事與賢季子則吳何以有君有大夫賢其君

以季子為臣則宜有君者也方以季子既許使有

札者何吳季子之名也春秋賢者不名此

何以名許夷狄者不壹而足也故降名季子

者所賢也曷為不足乎季子許人臣者必

使臣許人子者必使子也緣臣子尊榮莫不欲與

其君夷狄常例離君父辭故不足以隆父子之親厚君臣之義秋九月葬衛獻公齊高止出奔北燕

復因聘冬仲孫羯如晉公羊

三十年春王正月楚子使遠頗來聘數如晉

希見於今夏四月蔡世子般弑其君固不日

聘於喜錄之五月甲午宋災伯姬卒伯姬

為中國隱高有子弑父天王殺其弟年夫王者得

含悲極思之所生外災例天子殺其弟年夫王者得

時此日者為他秋七月

者惡失親親也未三年一去王者去惡不思慕而殺弟不與子

行也不從直稱君者舉重也昔殺意故以失子行錄設但殺弟叔弓如宋葬宗共姬外夫人不書葬此何

以書隱之也何隱爾宋災伯姬卒焉說在

其稱謚何推一不賢也何賢爾宋災伯姬

存焉有司復曰火至矣請出伯姬曰不可

吾聞之也婦人夜出謂有事宗廟不見傅母不下

堂禮后夫人必有傅母所以輔正其行衛其傳至矣母未

至也逮乎火而死故賢而錄其謚鄭良霄出奔許自

許入于鄭鄭人殺良霄冬十月葬蔡景公

賊未討何以書葬君子辭也君子為中國諱使若加弒月者弒父

比髡原恥尤重故諱解晉人齊人宋人衛人鄭人曹人莒

人邾婁人滕人薛人杞人小邾婁人會于

澶淵宋災故宋災故者何諸侯會于澶淵

凡為宋災故也會未有言其所為者此言

所為何錄伯姬也重錄伯姬之賢諸侯相聚聚

也相聚斂財物而更宋之所喪更復也今俗名解曰死

者不可復生爾時復矣復者如故時諸侯共讀復其所喪此大

事也曷為使微者推詳錄卿也卿則其稱人

何貶曷為貶據善事也卿不得憂諸侯也時雖名諸侯使之恩

實從卿發故貶起其事明大夫之義得憂內不得憂外所以抑臣道也宋憂內并貶非救危亡禁作福也

三十有一年春王正月夏六月辛巳公薨

于楚宮公朝楚好其宮歸而作之故名秋九月癸巳

子野卒己亥仲孫羯卒冬十月滕子來會

葬此書者與叔服同義癸酉葬我君襄公十有一月莒



人弑其君密州昔子納去疾及展立昔子廢之展因國  
人攻昔子殺之去疾奔齊稱人以弑者  
昔無大夫密州為君惡  
民所賤故稱國以弑之

春秋公羊卷第九

經五千字三万四千六百八十  
注五千二百七十一字五字

公羊傳

公羊

卷九

月





